

EPISTOLA

municare judicium, lecto ter quaterque obscuro & perplexo libro, eol-
tatis etiam Labadii Censuris, & Wolzogii ad eas responsonibus, cum
maliussem aliis meditationibus ac studiis tempus transigere, paratus erā
vestro judicio quoque subscribere: sicut, ante persecutionem isthie,
contra me, institutam, saepius ejusmodi communia judicia ac testimonia
theologica edideramus. Sed cum vos judicaretis convenientius, quod
otium mihi suppeteret, ut ipse aliquid conscriberem: nolui huic vestro
judicio refragari & pro ratione temporis, ob instantem Synodus Gallo-
Belgicam, duobus foliis compressè conscriptis, summam præsentis ope-
ris complexus sum. Cum vero Synodus mense Martio anni 1669. in sen-
tentia semel lata persisteret, & post eam sermo fieret, de Judiciis Theo-
logicis, librum Wolzogii improbantibus, simul edendis, sicut Wolzo-
gius, quæ pro se colligere potuerat, cum longa præfatione conjunctim
edidit; repetebam meum Judicium, additâ promissione, quod illud re-
cognoscere & dilatare vellem, & sic ad editionem paratum, si opus foret.
reddere. Id igitur ad majorem totiuscausæ illustrationem, veritatis contro-
versæ & laborantis confirmationem, ad plenioris symbolæ collationem &
lectoris cupidi instructionem, faciebam, & XXV. die Junii, finem operi
imponebam, & paratum servabam, si forte ad editionem efflagitaretur.
Sed cum hoc propter alia negotia intercedentia non fieret, & ego eodem
anno, ad Professionem Theologiæ in hac Illustri Schola, & ad munus Pa-
storis in hac Ecclesia, vocarer; cogitavi non male convenire, ut sicut tem-
pore Arminianismi D. Piscator, cuius memoria in benedictione sit, censu-
ra & refutatione scriptorum Conradi Vorstii, degeneris sui discipuli & a-
cris Pelagianismi patroni, veritati in Belgio laboranti & afflictæ, etiam ex
hac Schola Naslovica, suppetias tulit; ita ego, ipsius in cathedra theologica
successor, veritati nunc in eodem Belgio, propter istum Wolzogii librum
ejusque approbatores & fautores, laboranti, etiam ex hac nostra Scho-
la, mediaque Germania, editione hujus Judicij, ad hoc jam adornati, pro-
mea parte, succurserem. Sed cum jam pristinam typographiæ commo-
ditatem, quæ D. Piscator suo tempore gavisus est, amplius non habeamus,
non alia fuit ratio edendi hujus Judicij mei Theologici, quam ut illud,
ditatâ occasione, per partes pro materia publicarum disputationum in Scho-
la, examinandum proponeretur. Et sic editio ejus, tum propter Re-
spondentium, ad hoc paratorum, paucitatem; tum propter incidentium
temporibus bellicorum, quibus etiam hæ terræ & hæc urbs nostra pressa est,
difficulta-